



金匱二劉合注下

特別
49
470
2





門武
第 470
卷 24



金匱玉函要略方論二劉合註



東都後學喜多村寬士栗錄



五臟風寒積聚病脈證并治第十一

菡庭方二首

肺中風者章

紹翁腹脹原本作腫脹

肺中寒吐濁涕

紹翁濁涕後世所謂痰沫也效論曰久效使人多

涕唾而面浮腫氣逆也。

金鑑李說而鼻塞三字刪。

如涕
[註]李註評熱病論云。欬出青黃涕。並言濁涎。

肺死藏章

[紹翁]此即浮芤之脉。

心中寒者章

[紹翁]沉曰。此微寒。客於經絡。內苑心火。胸中嘈攪。麻辣為苦。故喻心如噉蒜狀。劇者邪氣盛而鬱搏。

為痛。經俞相引。所以心痛徹背。背痛徹心。即經謂寒氣客於背俞之脉。其俞注於心。相引而痛也。尤曰。其脉浮則寒有外出之機。設得吐則邪去而愈。然亦氣機自動而然。非可以藥強吐之也。故曰其脉浮者自吐乃愈。

邪哭使魂魄不安者章

[紹翁]尤曰。經云。邪入於陽則狂。邪入於陰則顛。此云陰氣衰者為顛。陽氣衰者為狂。蓋必正氣虛而後邪氣入。經言其為病之故。此言其致病之原也。

朱曰邪哭哭字疑誤陽氣衰陰氣衰衰字當作病字解

菡庭脉經為狂下云五藏者魂魄之宅舍精神之所依託也魂魄飛揚者其五藏空虛也即邪神居之神靈所使鬼而下之脉短而微其藏不足則魂魄不安魂屬於肝魄屬於肺肺主津液即為涕泣肺氣衰者即為泣出肝氣衰者魂則不安肝主善怒其聲呼

腎著之病章

紹翁徐曰藥以苓朮甘扶土滲濕為主而以乾姜一味溫中去冷謂腎之元不止其病止在腎之外府故治其外之寒濕而自愈也若用桂附則反傷腎之陰

案此方木性燥驅濕茯苓淡滲利水以去濕乾姜溫中以去冷濕之氣也恐非燥土勝水之謂也

反不渴裏無熱尤注寒在下也四字及故其治法至以勝水十八字刪

甘草乾姜茯苓白朮湯 聖庭 湯下補方字

聖庭 千金腎著散 聖濟名腎著湯

聖惠治腎著之為病身體冷從腰已下痛重宜服甘草散方

於本方加當歸

三因苓朮湯治冒暑遭雨暑濕鬱發四肢不仁半身不遂骨節離解緩弱不收或入浴暈倒白眼喎斜手足躄曳皆濕溫類也

於本方去甘艸加附子澤瀉桂心

又苓朮湯治脾胃感風飧泄注下腸鳴腹滿四肢重滯云云

於本方加厚朴青皮半夏草菓

問曰三焦竭部章

紹翁 魏曰言不須治久則愈者非聽其洩脫不為援救也言不須治其下焦但理其中焦可也然升其陽固其滑補其氣止其洩久之陽足于中焦而下焦之陽自不沉陷下焦之陰自不固返可以得愈也

九注在冒上口四字及在膀胱上口
五字刪

〔藍庭〕平脈法云上焦不歸者噫而酢吞中焦不歸者不能消穀引食下焦不歸者則遺溲

師曰熱在上焦者章

〔藍庭〕大腸小腸似是互錯

問曰病有積有聚章

〔藍庭〕十八難曰三部者寸關尺也九候者浮中沈也上部法天主胸以上至頭之有疾也中部法人主胸以下至齊之有疾也下部法地主齊

以下至足之有疾也審而刺之者也人病有沈滯久積聚可切脈而知之耶然診左右脇有積氣得肺脈結脈結甚則積甚結微則氣微診不得肺脈而右脇有積氣者何也然肺脈雖不見右手脈當沈伏云云
按本條蓋本諸此
肺脈
寸部

痰飲欬嗽病脈證治第十二

問曰夫飲有四章

管庭迂元崧曰據水走腸間一句淡飲蓋水飲

搖動之稱淡與澹通按說文澹水搖也从水詹

聲又枚乘七發紛也澹淡又湍流溯波又澹淡

之註澹淡搖蕩兒馬融長笛賦頤淡俯流注水

搖蕩兒搜神後記二月中蕨始生有一甲士折

食一莖即覺心中淡淡欲吐宋玉高唐賦水泠

淡而盤紆注淡、搖動兒

紹翁金鑑李注
水積陰至或為
痰十二字刪

輯義巢源云、巢源又有懸癖候云、效唾

則引脇下懸痛所以謂之懸癖

程為支散之義、成氏註平脈沉潛水畜支飲急弦云、畜積於內者謂之水畜、故脈沉潛支散於外者謂之支飲、故脈急弦、程氏蓋本諸此

水在心章

紹翁堅者、心下堅實也、築者、築之然悸動也、**金**作心下堅築、可證短氣者、飲抑往來之氣故也、尤解似迂

尤註、堅實、至、火氣不伸也、刪

水在肺章

紹翁魏曰、水在肺、而欲飲水、津化涎沫、而內液枯也

膈上病痰章

紹翁案滿喘二字疑倒置

夫病人飲水多章

蔭庭太陽中篇發汗後飲水多必喘、朱云、腎大下後喜虛

肺飲不弦章

紹翁程曰肺飲即支飲也。以水飲支散於上焦則

喘喘甚則氣促。故有苦喘短氣。

沈曰此明肺飲支飲脈不弦。

支飲亦喘章

紹翁程曰其脈平。平之為言浮也。肺之本脈

病痰飲者章

紹翁尤曰苓桂木甘。溫中去濕治痰飲之良劑。是

即所謂溫藥也。

病者脈伏章

紹翁尤曰雖利心下續堅滿者。未盡之飲。復注心

下也。

十棗湯方

紹翁千金又云。又云二字。改作陶隱居肘后

方序例云。凡云十一字。半錢七者。之七者。字無

病溢飲者章

紹翁据千金外臺。大青龍湯主之六字。非仲景

舊文。恐是宋人所換。

膈間支飲章

紹翁魏曰言膈間而羅膈之上脂膜之間為邪之所在近於肺而逆故喘滿迫於心而滯故痞堅胸高留陰濕之邪陽氣不能敷達故面色黧黑寒濕之氣合飲邪伏留于上部陽為所菀故脉沈內伏陰寒故脉緊

尤注面色黧黑者至不行也十四字刪

菴庭本草圖經引深師作其脉沈緊不愈作乃愈發字下有汗至三日四字無與字

俞

澤瀉湯方

菴庭聖惠治心下有水不散是胃中痰飲不能下食宜服此方

於本方加半夏生姜

和劑解暑三白散治冒暑伏熱引飲過多陰陽氣逆霍亂嘔吐小便不利藏府不調惡心頭暈並皆治之

於本方加茯苓各等分每服半兩重水盪薑五片燈心十莖煎八分服

支飲胸滿者章

物

紹翁徐曰此即小承氣 腹滿之痛而閉者即曰
三物湯蓋此重散結氣故以厚朴為主彼乃七物
湯對照言之也

菡庭尤註似是然支飲以飲拄撐胸膈而名若
作腹滿支字無著落蓋飲蓄脾胃上攻心胸者
故用此藥主之千金亦作胸滿可證

嘔家本渴章

紹翁徐曰嘔乃胃家病非支飲本証然可以心

有支飲者也曰小半夏湯者 有人參半夏與密
三味大半夏湯故以小字別之

菡庭本草圖經引又主嘔噦穀不得下眩悸半
夏加茯苓湯云云

小半夏湯方

菡庭聖惠治五噎胃膈咽喉不利痰逆食少
方半夏七枚小者湯洗去滑擣細羅為散都
為一服以濃生姜湯調服之患年多者不過
三服差

腹滿口舌乾燥章

紹翁金鑑李延曰前云水走腸間漼漼有聲為痰飲此腸間有水氣即痰飲也

小半夏加茯苓湯方

蔣庭衛生家寶竹葉湯治熱吐翻胃及傷寒遍身發熱冷吐於本方加竹葉

葉氏半夏湯治肩臂即本方

假令瘦人章

紹翁徐曰傷寒發汗後欲作奔豚者有臍下悸

執

心氣傷者勞倦則發熱當臍跳今內無積濕外無表陷又非心氣素傷而忽臍下悸論理上焦有不宜証見於臍仍上吐涎沫甚且頭眩下為臍下悸蓋心為水逼腎乘心之虛而作相凌之熱故曰此水也

青龍湯下已章

紹翁此服小青龍外寒雖去而其被擾之虛猶未安故為口燥面熱之證平脈法論尸厥曰奔氣促迫上入胸膈宗氣反聚血結心下陽氣退下

熱歸陰股者約略相類而苓桂味甘湯與發汗後
臍下悸者欲作奔豚用苓桂棗甘湯其意相類小
便難者下焦之陽虛也

沈注因服青龍散劑擾亂下焦十字而不用三
字不歸腎間而行決瀆八字並刪

欬滿即止章

紹翁朱曰寒邪得熱則開故欬滿即止乃不謂渴
與衝氣復發非因姜辛之熱驟傷其陰氣而何然
陰氣雖曰驟傷而漸復可不治而自止耳

水去嘔止章

紹翁徐注故氣行瀦而痺六字刪

消渴小便利淋病脈證并治第十三

菴庭按利上似脫不字

寸口脈浮而遲章

紹翁徐曰浮不因表是屬氣不斂矣故曰浮即為虛遲不因寒是屬榮不充盛矣故曰遲即勞

菴庭巢源以此條收之虛勞候中以可確金鑑

說矣

跌陽脈浮而數章

紹翁魏曰浮者氣散而不收也數者熱盛而不熄

也氣散不收則流注多而漫無檢制熱盛不熄則穀雖消而津液日亡所以氣盛而小便常苦多故溲數溲數而津液日益耗大便愈堅以大便堅與小便數相搏而正津虧竭邪熱熾盛也

輯義一作緊一上補原注字

男子消渴章

菹庭 聖惠治瘡腎小便滑數四肢少力羸瘦困乏全不思食薯蕷圓

即本方加鷄胫胫黃芪白龍骨麥門冬枸

子瓜萋根

紹翁程注龍雷之火至而刑肺金十六字刪

淋之為病章

紹翁徐注粟者色白四字刪

滑石白魚散方

紹翁爾雅釋蟲蟬注云衣書中與一名蛎魚爾

雅翼云蟬始則黃色至老則身有粉視之如銀名白魚

脉浮發熱章

紹翁猪苓湯方

猪苓去皮

茯苓

阿膠

滑石

澤瀉

右五果以水四升煮四味取二升去滓內膠洋消
溫服七合日三服

水氣病脉證并治第十四

師曰章

趙本癰腫作癰膿

紹翁金鑑風則從上腫故面浮腫八字濕則從下

腫五字并刪

脉浮而洪章

菴庭聖濟引作惡風者為風水

菴庭平脉法脉浮而大浮為風虛大為氣強風

氣相搏必成隱癢身體為痒痒者名泄風久久
為痲癩宋本注眉少髮稀身有乾瘡而腥臭也

寸口脉沉滑者章

紹翁徐曰此二段從風水中之變異者而仍正其名以示別也。謂風水脈本浮今沈滑是中有水氣相結似屬正水。然面目腫大有熱高巔之上唯風可致風為陽邪故熱是脈雖沈不得外風而言故正其名曰風水。

沈曰首云其脈自浮乃言風水始起之脈也。次云脈浮而洪乃言風挾內熱化火也。此云寸口沈滑中有水氣者亦風邪合水原有傳於肌肉胃腕之裏但滑為風入於血是非裏水之謂。仲景恐人

認為正水故以面目腫大有熱而別之。要知正水是不發熱此發熱者經謂面腫曰風之風水耳。**魏**曰水為濕邪不能自上頭目必挾熱而為濕熱之邪然後可以腫及面目是熱有二字已于面目腫大略見一斑。

案風水初起其脈雖浮至面目腫大則水氣壅滯于外脈道被壓而不出然以其有熱故兼滑也。照脈經皮水証而可見。

案擁腫同腫說文腫也五音集韻音擁腫腫肉

起也。

太陽病脉浮而緊章

紹翁魏曰前條言風水外證骨節疼痛此又言不
疼反重何也前條所言外感風邪重內傷水氣輕
也故脉唯浮而身疼此條所言外感寒邪輕也而
內傷水氣重也故脉緊而身重兼以重而且酸內
濕中有挾熱也不渴內濕之盛愈明矣
金鑑趙良曰脾脹恐肺字之訛靈樞曰肺是動則
病肺脹滿膨而喘咳也

裏水者章

紹翁沈曰夫風濕鬱蒸衛陽羈滯不能決瀆故脉
沈而小便不利水即泛於皮膚則病水矣假令身
腫而小便自利者當責邪氣入胃偏走前陰津液
內亡而胃燥令渴

案上文云皮水其脉亦浮外証肘腫按之沒指
不惡風其腹如鼓不渴當發其汗據此此條亦
無渴即云小便自利此亡津液故令渴也可以
證矣此唯以水氣在於皮膚之間也又案上文

云其脉亦浮。此云脉沈者，猶言風水脉浮後又云寸口沉滑。

跌陽脉當伏章

崔庭辨脉法跌陽脉遲而緩，胃氣如經也。平脉法跌陽脉微而緊，則為寒；微則為虛，微緊相搏則為短氣。

紹翁此條疑寒疝門錯文。

跌陽脉當伏章

紹翁此條亦自消渴篇中而誤入者。

寸口脉弦而緊章

紹翁輯義攷脉經云：脉經所載是寒疝門所云。

脉得諸沉章

紹翁徐曰：諸者言脉部不同，則病原異，然槩以沉為斷耳。

崔庭王氏元戎曰：陰症當沉，故脉出者死也。此水附骨以當沉而下出，則當微出本部，是得生也。此箇出字出本部之外，故死也。經云陰陽俱虛，脉出者死，與此同意。案此說不如尤注之穩。

脾水者章

案津液不生與津液微生之津液同即口中乾燥之謂

師曰諸有水者章

紹翁魏曰腰以上腫者豈水有過類在山耶不知腰以上腫非水自能上也。有風以攝之也不則有熱以挾之也當發汗則愈。

問曰病者苦水章

菴庭脉經苦作若似非

紹翁按浮咳之浮可疑程注為浮腫喘咳似是

沈注但病者竟不言此為刪

素問陰陽應象大論寒勝則浮六元正紀大論王冰注曰浮言浮起按之起見也又陽明所至為浮虛王氏曰浮虛薄腫按之復起也欬論有浮腫字雷公炮灸論序曰產後肌浮甘皮酒服可見浮字古為虛腫之義
菴庭不言水反言胸中痛者諸家以為病者之言此恐不爾喘下審如師之言之文是師嚮所諭照傷寒論證象陽旦條而可見焉脉經脉上有師字可以確矣

太陽上篇問曰證象陽且按方治之而增劇厥
逆咽中乾兩脛拘急而譏語云云此條同文例
諸注以言字屬於病者似非

巢源傷寒欬候云水停心下則肺為之浮肺
主於欬水氣乘之故欬脈經引四時經云土
亡其子其氣衰微水為洋溢浸漬為池走擊皮
膚面目浮腫歸於四肢愚醫見水直往下之虛
脾空胃水遂居之肺為喘浮注云脾胃已病直
扶養其氣通利水道愚醫不曉而往下之此為

重傷水氣遂更陵之上侵胷中肺得水而浮故
言喘浮

風水惡風章

紹翁魏曰麻黃驅邪于表生姜甘州大棗補中益
胃于裏石膏兼治為濕所挾之濕熱方中無治水
之藥清熱散邪補中益胃無非治水也
案續似陸續之續汗常出而不止

水之為病章

紹翁外證無水虛腫無面目腫大之候則氣為

風所鼓而外脹為腫。然內實水濕。故不為實脹。此堯其汗。則風氣從玄府而迸出。杏子湯雖未詳。約略不過利氣驅風之劑耳。下文脈沉者。非沉小之義。所謂沉滑者。中有水氣。面目腫大有熱。名曰風水者也。

厥而皮水者章

紹翁魏曰。此非宗陽內虛之證。而乃衛陽外虛之厥也。皮水之邪既盛。必溢於四肢。周身之衛氣凝滯不行矣。故令得厥。非必裏陽已微。方見厥逆也。

黃耆為藥桂枝苦酒湯方

紹翁程曰。邪之所湊。其氣必虛。以其人汗出。則表氣本虛。浴之則水氣乘虛而入。故用黃耆以固其衛。桂枝以散其水。如是則堯中有補。邪去正安矣。若酒味酸。其氣澁以收。故令人心煩。六七日乃解者。待其正氣復也。

別錄曰。醋消癰腫。散水氣。陶隱居註曰。醋酒以有苦味。俗呼為苦酒。

案為藥苦酒。非止汗之義。蓋用為和液散水也。

何夢瑤未詳此理疑為錯文者誤。

黃汗之病章

紹翁此條當為五節而讀首二句概稱黃汗之證也而下曰歷節曰勞氣曰生惡瘡者以其與黃汗相類而實不同舉以示之也若身重汗出以下謂歷節黃汗變證之狀中風歷節病篇曰獨足腫大黃汗出脛冷假令發熱便為歷節與此條相同蓋黃汗雖發熱而脛自冷者下體先受濕邪陽被菀而不下通也假令脛不自冷而

週身發熱者非濕邪變以釀熱必兼外中之寒邪客于歷節而所致也若食後暮臥并雖汗出而身輒不輕者氣有所勞而表陽失護以所致也若汗出已而身亦不輕而渾身反熱者濕毒之氣內菀而為熱若此久之不止則津液熬索皮膚失其榮潤而甲錯衛氣不能通環逆于肉理遂生惡瘡也若此諸証並雖相類而其實不相同者黃汗之証身躄雖重得汗則濕邪消散暫覺輕舒然表氣已未損故不能乘其消散而

充于肌肉故久必身暍外已現身暍之證則
上焦之陽不能無虛故陽不運而胸中痛夫上
焦陽虛為濕所熏而雖發汗兩脰已為濕所傷
陽不下通而自冷則固無可汗之理此證固因
濕而所做起是以腎之府得不弛解而痛耶且
夫表陽已虛邪熱乘之而游走故有貴在皮中
狀此證若加一頭地則濕邪上衝溢于心胃間
故不能食身體重者變為疼為煩躁於是下焦
決瀆之官不能稟于陽氣故小便不利此為黃

汗之証故以桂枝加黃芪先助陽氣而驅邪于
外而為護衛之法且以熱粥助藥力以速宣通
于週身也諸家此條說未得清晰故媿以以述
鄙意矣

再案上文黃汗其脈沈遲身發熱胸滿四肢頭
面腫久不愈必致癰腫此與生惡瘡者自是一
証又不惡寒者小便通利上焦有寒其口多唾
此為黃汗初起之證也又曰胸中空不能食反
聚痛暮躁不能眠此為黃汗此與胸中痛等是

劇証而前條論其大槩者此條折而辨之亦令人致惑也

歷節黃汗辨徐解甚詳可攷論注歷節條

師曰寸口脉遲而濇章

菹庭巢源夫氣分者由水飲搏於氣結聚所成氣之流行常無壅滯若有停積水飲搏於氣則氣分結而住故云氣分

桂枝去芍藥加麻黃細辛附子湯方菹庭趙本作桂姜草棗黃辛附

方子湯

心下堅大如盤章

菹庭本草枳實條圖經曰張仲景治心下堅大如盤水飲所作枳實水湯主之枳實七枚水三兩以水一斗煎取三升分三服腹中軟即稍減之

枳木湯方

菹庭千金月令主結氣方

白朮 枳殼炒

右等分搗篩蜜丸如梧子大空腹飲下二十五

丸

聖惠治癖結不能飲食心下虛滿如水者。枳實散方。

於本方加半夏生姜水煎。

又治膈氣心胃間痛方。

於本方加神曲各一兩。細羅為散。不計時候。以熱酒調下一錢。

又治飲癖氣急心下堅硬如柱。水飲所作。桂心散方。

於本方加桂心細辛附子檉柳姜棗用枳實

又治飲癖心下堅大如杯。時腹痛。宜服此方。

於本方加桂心生姜。

聖濟治霍亂脾胃氣攻腹脹滿不下食。白朮湯方。

白朮一兩 枳殼一分

右入大棗三枚。水煎服。

輯義嚴氏濟生枳朮湯。案此即聖惠桂心散加枳殼甘艸

草

黃疸病脈證并治第十五

寸口脈浮而緩章

崔庭痺疑痺訛邪氣藏府病形篇云緩者多熱平人氣象論云緩而滑曰熱中又平脈法云緩者胃氣實則穀消而水化也知是緩屬胃熱矣傷寒論曰脈浮而緩手足自溫者是為繫在太陰太陰者身當發黃則于此條同義

紹翁鑑曰胃脈數是熱勝於濕則從胃陽熱化熱則消穀故能食而謂之陽黃若胃脈緊是濕勝於

熱則從脾陰寒化寒則不食故食即滿而謂之陰黃也陽黃則為熱疸酒疸陰黃則為女勞疸穀疸也。

程注故傷寒至非外證之中風刪。

跌陽脈緊而數章

紹翁平脈法曰跌陽脈沈而數沈為實數消穀緊者病難治。

案尺脈浮者是為傷腎若夫跌陽脈緊則非傷腎蓋脾氣所傷也脾與胃為表裏故脾傷則跌

陽脈緊是傷及于胃下所謂胃中苦濁是也程謂寒不傷胃而傷於脾豈有此理耶蓋尺脈浮是女勞疸之候跌陽脈緊是穀疸之候也又案小便自利之自字當作不膀胱急腹如水狀是不利之徵也。

平脈法曰尺中時一小見脈再舉頭者腎氣也按女勞疸宜照下建中湯而致之陰被其寒未詳。

程注緊則寒不傷胃而傷於脾改為寒傷胃

四字、小便又不利云云。脘氣壅滯故。
尤注、而氣通於心也。六字、小便自利、病不在
府也。九字、刪。

陽明病脈遲者章

紹翁程曰、小便難者、以脈遲無陽以施化濁氣、但
留於胃而不宣、是以欲作穀疸、下之徒虛其胃、而
腹滿如故也。所以然者、以脈遲為寒之故。

輯義張氏心印、當作張氏宗印。

脈沉渴欲飲水章

紹翁徐曰、此言黃疸病有先見三標證、而可必其
為黃疸者。

按據金鑑所說、此證宜用茵陳五苓散。

腹滿舌痿黃章

紹翁程曰、舌痿當是身痿、以陽明胃土主身之肌
肉、故有腹滿痿黃證。

穀疸之為病章

紹翁徐曰、前第一段論穀疸、不言寒熱、而有小便
不通、第二段論穀疸、不言心胸不安、而小便必難。

此獨不言及小便蓋證亦有微甚前所言小便不通此勢之甚急者也所云陽明病脈遲者小便必難既見陽明證而因脈遲挾虛以致不運此表病中之間有者也若云寒熱則非二三日病矣不食食即頭眩則雖眩而食未嘗斷可知矣故曰久不發黃其勢漸而緩則小便赤未至不通穀疸三証止出一方蓋陽明病一至發黃則久暫皆宜用鬱解熱故此方實為主方若陰黃則後人以附子合茵陳乃此方之變也

案心胸不安與酒疸之心中懊懷亦不同彼因心中熱至有無可奈何之象此言不安僅微煩也即陽明脈微證所謂發病頭眩耳

茵陳蒿湯方

茵陳 幼幼新書吉氏家傳治小兒自體黃及便黃眼白睛黃即是疸也宜此方

本方加朴消

黃家日晡所發熱章

其腹脹至非水也二十字
圖經本草引仲景傷寒論作大
便必黑腹臌脹滿如水狀大便澹
者女勞得之非水也或十字

紹翁金鑑雖膀胱急之雖字小便自利四字并
刪

消石礬石散方

崔庭圖經曰消石熬黃礬石燒令汁盡二物等
之合被絹篩大麥粥汁和服方寸匕日三重衣
覆取微汗病隨大小便去小便正黃大便正黑
也大麥用無皮者

藥性論曰硝石君惡曾青畏粥

酒黃疸章

紹翁程曰酒有質有氣其氣則熱其質則飲熱蒸
則為懊懷飲留則為熱痛故用通泄之劑以分消
之也

熱痛因熱成痛

猪膏髮煎方

崔庭聖惠治黃疸耳目悉黃食飲不消胃中脹
熱此腸間有燥糞宜服此方

右煎鍊猪脂五兩每服抄大半匙以葱白湯
調頻服之以通利為度

沉氏尊生書云。有服對證藥不能効。耳目皆黃。食不消者。是胃中有乾糞也。宜飲熬猪油量人。氣或一杯。或半杯。日三次。以燥糞下為度。即愈。

黃疸腹滿章

此

自汗出者。非表和之候。與傷寒大承氣十。麥湯證。汗出者同。蓋黃疸內有苑熱。則外迫津液。而為自汗。非有表熱而然者也。

自汗出。亦猶傷寒胃家實。汗出之意。李說非。

大黃消石湯方

消石礬石散及此方。不用芒消潤品。不宜

濕熱也。千金消石作芒消。

黃疸病小便色不變章

紹翁沉曰。此濕多熱少。氣虛之證也。小便黃赤如

金。則為黃疸。此小便色不變。欲自利者。肌表必是淡黃而不枯燥。乃濕鬱熱微。氣虛之證也。濕滯於脾。則為腹滿。脾濕壅肺。則為喘逆。然有濕無熱。不可除其熱。但除熱之劑。必以苦寒而傷胃陽。則陰濕不行。化為痰飲。上逆為噦。故以小半夏滌痰除

飲而止嘔逆俱嘔止再止其疸要知小半夏非黃
之專方竊擬加茯苓可以善後耳

男子黃章

紹翁男子黃者即女勞疸也上文有手足中熱
膀胱急小腹滿諸證而此舉小便自利一證為
使人推知其他也仲景此段條法頗多而用小
建中湯者此證亦與虛勞同候也予嘗參伍其
膀胱急小腹滿者尤怡所謂陽病不得與陰和
則陰以其寒獨行為裏急為腹中痛而實非陰

用

之盛者若身體盡黃手足中煩熱亦尤氏所謂
陰病不能與陽和則陽以其熱獨行為手足煩
熱而實非陽之熾者陰陽不相和諧外生虛熱
而所為黃病非土色外望之候其建中湯姜桂
之辛走表以通衛行陽芍藥之酸走裏以收榮
益陰甘棗膠飴之甘建中以緩諸急則陰陽相
就而寒以溫熱以和是以證與虛勞同候故用
建中者其意可見也且虛勞之證自房室而得
者不少是虛勞篇中以男子二字為冒者凡五

鑑高注刪

尤注土虛而

色外見六字

刪

輯義此血虛

之陰也陰血

當作陰黃

條此稱男子黃亦是意也高尤貳家說得頗似
牽綴故辨晰之

藍庭男子黃即女勞疸故與小建中亦與虛勞
用小建中黃芪建中同意高說非

聖惠治傷寒四日茵陳散亦茵陳附子並用方
更有柴胡甘州赤芍藥防風六呆

瓜蒂湯

藍庭胡身之通鑑隋紀注曰黃熱病也熱則上

壅瓜蒂味苦寒故噴鼻以通關高

千金麻黃醇酒湯

藍庭本草傷寒類要治急黃心上堅硬渴欲得

水噤氣息喘危眼黃但有一候相當則以瓜蒂

末合熬赤小豆二合為末煖漿水五合服方寸

匕一炊久當吐不吐再服五分七亦減之云云

本草引傷寒類要張仲景傷寒論云黃疸病以

麻黃醇酒湯主之麻黃一把去節綿裏以美酒

五升煮取半升去滓頓服又治傷熱表政和作傷寒表

熱發黃宜汗之則愈冬月用酒春用水煮之

輯義致千金外臺云云外臺許仁則及聖惠可

驚悸吐血衄下血胸滿瘀血病脉證治第十六

蔭庭 胸滿二字蓋衍

寸口脈動章

說文 悸心動也 沈注心神恍惚四字刪

師曰尺脉浮章

紹翁 程曰脉浮為虛陽盛々則迫血妄行而血不

營於目故目睛暈黃知其衄不止也暈黃去目睛

慧了則目得血榮而不衄故曰衄今止

衄家不可汗章

旬

紹翁說文曰旬目搖也或从作眇

病人面無血色章

尤注無寒熱至
則一也五十五
字刪

紹翁徐曰煩欬條不言脉浮弱二字貫之也

蔭庭面無血色無寒熱是該吐衄下血或証而

言

夫吐血章

紹翁沈曰陰虧則火焰而挾表故脉數有熱乃真

陰已竭陽無所附氣逆上沖故不得卧者死

病人胸滿章

紹翁但欲嗽水不欲嚥胸中熱無

病者如熱狀章

三二

紹翁徐曰當下之或字似總結上或節然上節云

胸滿云不欲嗽水云脉來遲不獨於血內或寒多

則寒下之藥即不可用去瘀之藥當更酌量又前

言嗽水不欲嚥此又言渴可知於血証不甚則但

嗽水甚則亦渴者蓋瘀久而熱甚也

蔭庭而渴疑不渴

火邪者章

一 紹翁尤注去芍藥至駝而出之於外也四十五

字刪

心下悸者章

本艸圖經引同

二 藜庭本草圖經云張仲景方療吐血不止者柏

葉湯主之青柏葉一把乾姜三片阿膠二銖炙

三呆以水貳升煮貳升去滓別絞馬通汁一升

相和合煎取貳升綿瀉一服盡之貳銖政和作貳銖

下血先便後血章

紹翁徐曰下血較吐血勢順而不逆此病不在氣

也當從腹中求責故以先便後血知未便時血分

不動直至便後努責然後下血是內寒不能溫脾

脾元不足不能統血脾居中土自下焦而言之則

為遠矣

下血先血後便章

藜庭婦人良方曰糞後下血者其來遠糞前有

血者其來近遠近者言病在上下也

外科正宗內痔治驗云大抵此症所致之由不

同當究其因治之如元氣有餘形黑氣盛先糞

先

而後紫血者更兼脈實有力此屬有餘法當涼血止血藥應自效至若形體瘦弱面色痿黃先鮮血而後糞者更兼脈虛無力此屬不足豈可反用涼藥止之致傷脾胃此症若不溫中健脾升舉中氣其血不得歸原故藥難效遠其根本也。

備預百要方云十便雞峯方赤小豆散治大腸秘即本方。

嘔吐噦下利病脈證治第十七

先嘔却渴者章

紹翁程曰先嘔却渴者為嘔後而胃無津液得水知之即愈。

嘔家本渴章

紹翁沈曰嘔則津液去而邪亦隨嘔而去但胃膈乾燥則渴故先嘔却而渴為欲解若邪氣入內與痰飲貯積於中阻抑陽氣重喉而渴而欲飲則外水內飲滿而上逆故嘔也。

趙良曰。嘔則飲去。則陽氣回。津液猶未布。故渴耳。雖渴終以邪去正回而必解也。

魏曰。先渴者亦支飲格阻正津不能上潤喉舌。遂先渴也。渴非真渴。故飲入即嘔。屬于飲。故飲家變為嘔家。明其支飲治飲而嘔可止矣。

嘔而胸滿者章

紹翁魏曰。嘔家多熱而胸滿之嘔非熱也。熱氣必散而寒氣斯凝。故見胸滿而嘔。知非熱而為寒。必灸主之以茱萸湯。以吳朱更辛溫為君。以人參天

黃黃

棗生姜。理氣益脾。滿消而嘔自止矣。寒散而滿自消矣。

乾嘔吐涎沫章

紹翁張曰。凡用吳朱萸湯有三證。一為陽明食穀欲嘔。一為少陰吐利手足厥冷煩躁欲死。此則乾嘔吐涎沫頭痛。經絡証候各殊。而治則一者。總之下焦濁陰之氣上乘於胸中。清湯之思真氣反菀在下。不得安其本位。有時欲上不能。但衝動濁氣。所以乾嘔吐涎沫也。頭痛者厥

黃

黃 黃

陰之經與督脈會於巔也。故主吳茱萸湯以吳茱萸專主開豁胸中逆氣。兼人參生薑以助胃中之清陽。共祛濁之功。因是清陽得以上升。而濁陰自必下降矣。

嘔而脈弱章

紹翁成無已曰。嘔而脈弱為邪氣傳裏。嘔則氣上逆。而小便當不利。小便復利者。裡虛也。身有微熱。見厥者。陰勝陽也。為難治。與四逆湯溫裏助陽。

小柴胡湯方

葢庭證治準繩云。金匱方云。潔古用小柴胡湯加青黛以姜汁打糊丸。名清鎮丸。治嘔吐脈弦頭痛。蓋本諸此。

大半夏湯方 葢庭本州半夏三升

葢庭本草人參條。圖經引李絳兵部手集。療反胃嘔吐無常。粥飲入口即吐。困弱無力。垂死者。以上黨人參二大兩。水一大升。煮取四合。熟頓服。日再兼以人參汁煮粥與服云。

參

參一

本艸經驗後方治大人小兒不進乳食和氣去
痰人寢四兩半夏式兩生薑汁熬一宿曝乾為
末麩糊丸如菉豆大每服十丸食後生薑湯吞
下

一二二三

本草半夏圖經引二百四十遍大觀作式百四
十遍政和作式百貳十遍式升半並作式升半
餘分再服作日再云亦治膈間支飲

食已即吐者章

紹翁此證胃中舊有宿食故新穀入則不相容

霎時變出也是以用大黃滌去其宿食甘艸和
其中氣則新穀不復變出也千金翼單用大黃
治反胃其証亦相類古人屬火之說恐為強解

茯苓澤瀉湯方

藍庭外臺作以水式斗煮小麦三升
取五升去澤瀉內茯苓等千金同文少異

紹翁張元素曰猪苓淡滲大燥亡津液無濕證
者勿服之此方不用猪苓蓋此意也

藍庭聖濟治胃反吐逆癸渴飲水茯苓飲方

於本方去生薑加乾姜

又治心脾壅滯暴渴引飲茯苓飲方

於本方去生姜加黃連大黃小麥

吐後渴欲得水章

茵庭此條病輕藥重柯韻伯以此湯移置於太陽下篇文蛤散條仍攷此條反是文蛤散証彼是相錯也消渴篇云渴欲飲水不止者文蛤散主之以可互徵矣但氣主微風脈緊頭痛一句即湯方所主也

乾嘔吐逆章

茵庭聖惠治冷痰飲胃膈氣滿吐逆不思飲食

方

於本方加丁香以生姜粥飲調下一錢半夏餘並式兩

又治痰逆暖胃口惡飲食方

於本方各半加白礬燒一兩為末以生姜汁煮麩糊和圓如梧桐子大每服不計時候以姜棗湯下二十圓

生姜半夏湯方

茵庭傷寒蘊要云凡嘔而不止者服藥宜徐

呷下不可急也。

乾嘔噦章

紹翁沈曰橘皮生姜味辛氣溫宜散胃家壅逆氣為主俾氣佈行四肢則嘔噦止而厥自退。
金鑑曰乾嘔噦猶言乾吐即噦也。

橘皮湯方

菴庭十便引指迷橘皮甘草湯治若身大熱背微惡寒心中煩悶時欲嘔渴不能飲頭目昏痛惡見日光遇涼稍清起居如故此由飲食失

宜胃中空虛熱留胃口其脈虛大而數謂之中暑。

於本方加甘草。

橘皮竹茹湯

正臣庭蘊要橘皮竹茹湯治胃虛或煩有熱嘔噦或有痰飲者。

於本方加白朮茯苓。

又加味竹茹湯治胃中壅熱而噦嘔者。

於本方去參姜枣加半夏茯苓黃連葛根。

參

大白人後橘皮竹茹湯治胃虛呃逆

於本方去大麥加厚朴半夏藿香

衛生家寶人參竹茹湯治一切吐逆及治傷寒

中暑等吐如神

於本方去大麥加半夏

治人事證方後集橘皮湯治中暑痰逆惡寒

即本方

三因橘皮竹茹湯治胃熱多渴嘔噦不食

於本方去大麥加茯苓枇杷葉麥門冬半夏

夫六府氣絕於外者章

紹翁程注下重作下利 徐注不仁者云九

字刪

下利脉沈弦者章

紹翁下文云下利有微熱而渴脉弱者令自愈

與此義同弱者弦大二脉並退而見本 裡氣

之虛見數者陽氣將復之徵也

魏注此滯下之病至陽氣陷入淺而少七十字

若夫以下三十三字並刪

下利手足厥冷章

紹翁錢天來曰少陰負趺陽句疑有脫字不然

何至詞不達義耶

下利有微熱而渴章

紹翁錢天來曰脈弱者方見其裡氣本然之虛

無熱氣大過作癰膿便膿血及喉痺口爛之變

故云自愈

下利脈數而渴者章

紹翁周揚俊曰下利脈數々為熱微則亦陽氣

自復之候而無利久入陰之虞亦可自愈而不
愈者必熱勢向盛不但利不止而必至圍膿血
以推之則其脈必數而有力也

下利脈反弦章

紹翁弦主急夫弦脈者表氣亦閉今反身汗則
表氣已緩而弦脈將退之徵也

下利氣者章

紹翁沉曰內經云風淫于內得後與氣則快然
如衰之義

下利寸脈反浮數章

紹翁汪琥曰熱利而得數脈非反也得浮脈則為反矣茲者寸反浮數此在裏之邪熱不少斂也尺中瀯者陰虛也陽邪乘陰分之虛則其血必瘀而為膿血常器之云宜桃花湯誤愚意云宜以仲景黃芩湯代之尺中自瀯可疑

下利後脈絕章

紹翁錢天來曰夫利有新久若久利脈絕而至

泄

手足厥冷則陽氣以漸而虛直至水窮山盡陽氣磨滅殆盡脈氣方絕豈有復還之時惟暴注下世忽得之驟利而厥冷脈絕者則真陽未至陡絕一時為暴寒所中致厥利脈伏真陽未致陡絕故陽氣尚有還期此條乃寒中厥陰非久痢也故云晬時脈還手足溫者生若脈不見還足孤陽已絕而死也

下利脈遲而滑者章

紹翁沉注滑為血改實血冒改實氣壅此水穀

之為病者

下利已差章

菹庭傷寒續論云此條世本尚有宜大承氣湯
五字行文也故去之詳未盡之邪可以留伏經
年而發必係寒邪寒邪惟可備急丸溫下不虛
大承氣寒下也設屬熱邪必無經年久伏之理

下利識語章

紹翁汪琥曰此條陽明胃實大熱之證胃中糟
粕為邪所壅留着於內未成鞭者或時得下其

已成鞭者終不得出則燥屎為下利之根燥屎
不得出則邪熱上乘於心所以譫語要之此證
須以手按臍腹當必堅痛方為燥屎之徵

下利肺痛章

菹庭本草紫參條圖經云云張仲景治痢紫
參湯用紫參半斤甘草二兩以水五升煎紫參
取二升內甘草煎取半升分溫三服

氣利章

菹庭聖惠方云夫氣痢者由表裏不足腸胃虛

弱積冷之氣客於腸間藏府不和固虛則洩故
為氣痢也○案其諸方主療云氣痢腹內疼痛
不欲飲食

訶黎勒散方

蔞庭本草衍義云訶黎勒氣虛人亦宜緩煨
熟少服此物雖淡腸而又泄氣蓋其味苦淡
本草黃連下杜士治氣痢瀉裏急後重云用
黃連乾姜二味

圖經曰訶黎勒主痢本經不載張仲景治氣痢

以訶黎勒十枚麩裏煨灰火中煨之令麩黃熟
去核細研為末和粥飲頓服云唐劉禹錫傳
信方云予曾苦赤白下諸藥服遍久不差轉為
白膿令孤將軍傳此法用訶黎勒三枚上好者
兩枚炮取皮同末之以沸漿水一兩合服之淡
水亦得若空水痢加一錢匕甘草末若微有膿
血加二匕若血多加三匕皆効

外臺黃芩湯

蔞庭醫心方范汪方治傷寒五六日吧
而利者黃芩湯方即本方

瘡癰腸癰浸淫病脈證治第十八

腸癰之為病章

紹翁此條內癰之膿已成者下文云膿未成者發熱汗出脈遲緊膿成者脈洪數今此證身無熱脈數少腹無腫痞之狀而唯腹皮急如腫即知膿已成矣又曰此癰在于腸內而生故外亦無腫皮之狀不獨膿已成也且不用下藥則膿已成者可確也

菴庭三因舉此條云久積陰冷所成也故金匱

用附子温之。又載次條云：此以内結熱所成也。故金匱用大黃利之。

薏苡附子敗醬散方

菹庭本草敗醬條圖經曰：云、張仲景治腹癰。腹有膿者，薏苡仁、附子、敗醬散。薏苡仁十分，附子二分，敗醬五分。三物搗為末，取方寸匕，以水二升煎取一升，頓服之，小便當下愈。

大黃牡丹湯方

輯義劉涓子鬼遺方云：**菹庭**聖濟以消石代芒消。

腸癰者少腹腫
痞草
菹庭案脈經
曰設脈遲緊聚
為癰血下則愈

聖惠牡丹散

菹庭聖濟產後門活血冬瓜子湯同無生姜

跌蹶手指臂腫轉筋陰狐疝蛇蟲病脈證治

第十九

師曰病跌蹶章

二 二
[紹翁]程曰靈樞曰下利不足則為痿厥心惋足外
踝下留之亦大陽申脈穴也今刺膻入式寸有誤
案明堂圖膻上承山刺七分當是膻下貳寸為
附陽穴明堂止刺五分以治痿厥風痺不仁而
附陽又為陽蹻之郄刺之正所以治跌蹶而使
足蹻捷也

陰狐疝氣章

紹翁四時刺逆從論云厥陰滑則病狐疝風補注楊上善云狐夜不得尿日出方得人之所病與狐同故曰狐疝靈樞五色篇云狐疝瘡陰之屬也

蜘蛛散方

藍庭圖經引作二物為散每服八分式式

藍庭

幼新書嬰孺治少小偏癩方

右以蜘蛛一箇燒灰作末飲服之愈

虺厥者章

紹翁

徐氏曰黃連之苦可以安虺則前甘草與蜜

何以亦能安虺也。不知上條之虺因燥而上入致使心痛則為攻心之。故以白粉殺虺為主而加甘蜜以潤其燥若虺厥未嘗攻心且虺因藏寒不得已而上入其膈故以烏梅黃連伏之為主而加辛熱以逐藏寒所以一心痛而不吐虺一吐虺而不心痛。

魏曰此為藏寒之藏即指胃內經十二藏并府以言藏也其虺因胃底虛寒浮游于上故有易吐之

勢

烏梅圓方

輯義案此方云川椒烏梅黃連人蔘
崔庭王氏古方選注安胃湯用

婦人吐衄病脈證并治第二十

崔庭張仲景云婦人經水過多亡津液者亦大便難也巢源婦人雜病

桂枝茯苓丸方

紹翁按此方世人單為破血之劑此殆不然蓋癥之生原于陰氣澁滯故方中以桂苓為主又揭以方名可見其自扶陽和榮中而及于破血逐瘀者也

師曰婦人有漏下者章

紹翁此條宜作三截讀謂婦人有平時因漏下
脫血者又半產後續血不止者若有妊娠中下
血者是則腹中為痛名之胞阻金鑑承上條並
為妊娠中之病程氏亦以脈經激經為解俱屬
不妥鑑六月墮胎至若無癥痛刑程妊娠經
未至激經也改案脈經今陽不足故令激
也經

產虛漏下非妊娠中病自是一証巢源可證鑑
程注恐非

芎歸膠艾湯方

產虛聖惠治產後下痢腹中疴痛當歸散方

於本方去阿膠加乾姜

聖濟治妊娠因驚胎動不安當歸湯方

於本方加人參不用清酒

又治妊娠卒下血致胎不安少腹疼痛人參湯
方

參
於本方去芍藥加人參黃芩吳茱萸生薑不
用清酒

又治妊娠胎動有所下血腹疼痛宜服阿膠散

方

於本方去芍藥加赤石脂龍骨黃芩乾姜不用酒姜枣水煎

衛生寶鑑丁香膠艾湯治崩漏下不止

於本方加了香末四分

婦人懷娠章

紹翁按方中芍藥數倍他藥者與建中湯治腹

中急痛同蓋取于緩中和血也尤注趙氏云刪

按說文有疝無疝曰疝腹中急也从疝牛聲

蔞庭趙解似迂伯氏云倍用芍藥即與建中

同意

乾姜人蔞半夏丸方

蔞庭幼、新書嬰孺治小兒調中止痢去冷進

食人蔞丸方

於本方加茯苓蜜丸

白朮散方

紹翁按千金半夏湯治脚氣上入腹方中用細辛二兩與此段治心煩吐痛同又**范汪**旋覆花

湯治胸膈痰結亦用細辛其意用細辛以溫之
味通氣散膈上之寒飲也

婦人產後病脈證治第二十一

問曰新產婦人有三病章

紹翁明理論曰：鬱澀為鬱澀結而氣不舒也。冒為昏
冒而神不明也。世謂之昏迷者是也。

產婦鬱澀冒章

脈經作所以便堅者不能食也。

紹翁案此證不言發熱然後條有病解能食七

八日更發熱之語其為熱者可知即為草蓐傷
風明矣。

蔭庭本事方云人平居無苦疾忽如死人身不

冒

動搖默、不知人、目閉不能開、口禁不能言、或
微知人、惡聞人聲、但如眩冒、移時方寤、此由已
汗過多、血少、氣併於血、陽獨上而不下、氣壅塞
而不行、故身如死、氣過血還、陰陽復通、故移時
方寤、名曰鬱冒、亦名血厥、婦人多有之、宜白薇
湯、倉公散、白薇湯、白薇當歸各一兩、人參半兩、
甘艸一分、炙水煎服、倉公散、瓜蒂、藜蘆、雄黃、礬石
石、煨等分、少許、吹入鼻中、

又云、婦人產後有三種疾、鬱冒則多汗、多汗則

大便秘、故難於用藥、唯麻子、蘇子、粥、日取佳、且

總

產後腹中疴痛章

參

菴庭 衛生寶鑑曰、十劑云、補可去弱、人參、羊肉

之類是也、先師亦曰、人、漫能補氣、虛、羊肉能補

血、虛、虛損之病、食羊肉之類、何不可之有、

聖濟治產後血氣不利、心腹急痛、上下攻衝、氣

逆、煩悶、黃芪湯方、
於本方加黃芪、白朮、甘艸、人參、

魏曰。至日晡煩燥不食。即謔語。俱為胃實之證。而邪不在胃。辨之于夜即愈也。胃為倉廩。主受主納。邪入而無所復傳。豈能夜愈而明日復發乎。此亦惡露不盡之故。而瘀血積于血室。地近膀胱。故移熱于此。穴凡之為血實之證。與前條無異耳。

千金內補當歸建中湯方

紹翁禮樂記曰。陰陽相摩。註摩猶迫也。

婦人雜病脈證并治第二十二

婦人中風七八日章

紹翁徐曰。傷寒男女皆有之。而婦人有獨異者。故曰婦人中風七八日。則表邪已解矣。復有寒熱。故曰續來。然不長熱。故曰有時。問其經水則已來而適斷。明是餘熱未盡。乘虛入之。則餘血必有結者。故寒熱有時。然非太陽傳少陽之比。因結血之熱。致有此病。故曰使如瘧狀。

婦人傷寒章

紹翁徐曰血室雖在內而表邪實未嘗犯胃及上二焦之內故曰只此非表邪入裏也治法亦惟入內而攻之則所傷實多故曰無犯胃及上二焦必自愈必云者內原無病可攻也

半夏厚朴湯方

紹翁徐曰余治王小乙咽中每噎塞嗽不出全以半夏厚朴湯投之即愈後每發細問之云夜間燈下每見暈如團五色背脊內間痠其人又壯盛知下因受寒陰氣不足而肝反鬱熱甚則

結寒微動挾腎氣上衝咽喉塞噎也即于此方加大劑枸杞菊花丹皮肉桂暈乃漸除而咽中亦愈故曰男子間有有之信不誣也

蒞庭聖惠治膈氣胸中妨悶痰壅不下食此紫蘇散方

於本方加枳殼柴胡檳榔桂心

又治心腹脹滿疼飲不下食厚朴散方

於本方加陳橘皮前胡檳榔

婦人藏躁章

紹翁程曰藏躁者心藏虛也。內經曰心虛則悲。又曰神不足則悲。夫悲傷則心動。心動則宗脈感而液道開。故令人欲哭。然悲哀太甚則中氣消。則榮衛不利。故令陰陽相引而作伸欠也。

鑑喝欠以下十七字刪。

婦人之病章

紹翁肺癰當作肺痿。是即甘草乾姜湯證。脈經婦人病有效逆嘔沫。其肺成痿語可徵。

此段稱脈止于虛實。取系弦者。何押韻未免拘泥。

蓮庭上焦寒凝何敢為肺癰。此癰字當痿之誤。

即甘草乾姜湯證是也。

巢源云蛇身者謂人皮膚上如蛇皮而有鱗甲。世謂之蛇身也。此由血氣否澁不通潤於皮膚故也。

溫經湯方

蓮庭楊氏調經湯於本方去阿膠加地黃烏藥。

紅花沒藥五加皮。

礬石丸方

紹翁魏曰藏中之藏指陰戶也

紅藍花酒方

蔞底本草圖經曰張仲景治六十二種風兼腹內血氣刺痛用紅花一大兩分為四分以酒一大升煎強半頓服之不止再服又一方用紅藍子一升搗碎以無灰酒一大升八合拌了暴令乾重搗篩蜜丸如桐子大空腹酒下四十丸

問曰婦人病飲食如故章

紹翁鍾山札記曰了戾者屈曲旋轉之意許慎

遂淮南原道訓云於了戾也郭璞注方言云軫戾也云相了戾也楊倞注荀子修身篇擊戾云猶了戾也或者不曉輒改為乖戾乖者相背而馳與於轉糾繞絕不相類一字之誤頓失本義

蔞底慧琳一切經音義繚紮考聲云紮猶結紐也亦繚紮紛糾貌也古今正字從系戾聲經作繚戾俗字也正紮字也

腎氣丸方

紹翁徐曰胞系了戾初因氣淡而溺滯々則氣亂

而轉氣滯之由則因熱聚熱聚之由因元虛故以六味補其下元導之使出又以桂枝化其氣附子健其氣行之勢所謂補正以逐邪也

蛇床子散方

紹翁採蘭雜誌曰一婦人病陰中痒不敢告人苦甚平日奉觀世音像甚謹正時見一尼持藥一函至曰煎之洗之即愈矣尼忽不見啓視之乃蛇床子吳茱萸苦葶也

少陰脈滑而數者章

蕤庭脈經分為二條又云少陰脈數則氣淋陰中則生瘡
平脈法云少陰脈微滑者腎之浮名也此為陰實其人必股內汗出陰下濕也

胃氣下泄章

蕤庭脈經此條前云少陰脈弱而微則少血弱則生風微弱相搏陰中惡寒胃氣下泄吹而正喧

婦人良方膏髮煎治婦人穀氣實胃氣下泄陰

吹而正喧陰中出血

赤水玄珠云令媳長卿之婦腹中微疼經行不
流利喉痛四肢麻木作戰不知飢餓右脈洪大
如菀豆以芎川香附麦芽山查烏梅粉草桔梗
酒苓防風荆芥白木茯苓四劑而安次月經水
大行十日不止以黃芪阿膠蒲黃各二錢白芍
藥二錢粉草三分一帖而止此後但覺濁氣下
墜尻從子戶中出以補中益氣湯加煇炒黃連
調養而平

小兒疳蟲蝕齒方

幼、新書引葶藶下有各少許三字臘日作臘
月銘上有和字

雜療方第二十三

長服訶梨勒丸方

菹庭本草圖經引張仲景云長服方訶梨勒陳
橘皮厚朴各三大兩搗篩蜜丸大如梧子每服
二十九至三十丸

三物備急丸方

菹庭用為散及亦佳字蓋衍文也否則為散一
句與蜜和丸三字錯易如安
聖惠治惡症心腹痛如錐刀所刺脹滿欲死者

始

消石圓

於本方加消石附子

又治暴癥氣攻心腹脹痛不欲飲食宜服巴豆圓方

於本方加木香蓬莪菥

又治卒死及感忤口噤不開者宜服此方

即本方以麥瓢和圓如菉豆大以溫水下

聖濟治小兒木舌腫脹滿塞口中三物備急丸

方

即本方如菉豆大每服五丸溫水下大便利為度

救溺死方

菹庭聖惠治溺水死方

右但埋溺人暖灰中頭足但沒唯開七孔水出即活肘后千金可攷

肝病禁辛章

菹庭醫說引食治通說曰金匱要略方曰春不

食肝夏不食心秋不食肺冬不食腎四季不食

脾謂畜獸五臟能益人五臟春時木旺肝氣盛脾氣敗故不食肝食之則肝氣愈盛脾氣愈敗因成脾病則難治也或春月肝經受病明有虛證亦食肝以補之或春月肝氣大盛即宜食肺以抑之又云肝病禁辛心病禁鹹脾病禁酸肺病禁苦腎病禁甘五味逆剋故禁之也或肝氣大盛因而生病亦宜辛味以制之更在心智變通不可全執定論他臟倣此

太
鱧食之在心胸間章

葢庭神巧萬全方治食物過飽不消遂成痞滿將死方

更更
馬牙消一大兩碎之如死吳茱萸半斤陳者
以朴消代之

右煎茱萸取濃汁投滓承熱服之久未轉更進一服立愈唐寶群嘗語在常州時食鱧不消痞結悶甚諸藥悉不轉腹堅氣絕醫徐彥莊處得此方服乃瘥寶云微此殆絕

食諸菌中毒章

葢庭聖濟云朽木生菌腐土生菌二者皆陰濕

之氣蒸鬱所生也。既非冲和所產，性必有毒。若
誤食之，令人吐利不已，心腹切痛，甚者身黑而
死。



